



गोदान महर होनाय आरो गाख्रै रेलवे मदि सरकार नि गेरेन्टि

41000 कौटि रां बाहायनानै अमृत भारत स्टेसन बिथांखिनि सिङाव
मोन 554 रेलवे स्टेसन आरो दौ 1500 लामा अभार ब्रीज/
आन्डारपासनि फिन फोजौखांनानै माहारिनो अन्थाइ खाम्फा
गायसन्नाय/बेखेवनाय/हादतनो गथायनाय



मोन 11 रेलवे स्टेसननि फिन फोजौखांनाय

- हयबसगाव
- उदालगुरि
- टंला
- बिश्वनाथ सारिआलि
- माजबात
- हारमुति
- गहपुर
- पाठशाला
- चिलापथार
- मुखसेलेक
- नर्थ लखिमपुर

■ रूप पाज्ला बादि खाबु गोनां सिटि चेन्टार महरै फिन फोजौखांनाय स्टेसनआव सपिं जन,
फुड कर्ट, किड प्ले एरिया बाइदि थागोन।

■ आलादायै हाबग्रा आरो ओंखारग्रा गेट, गोबां थोरफोनि पार्कि, लिफ्ट, एक्सेलेटर, सांग्रां
लाउन्ज, नेग्रा, ट्राभेलेटर, बेंगुराफोरनि खाबु होनाय

■ गोबां मोखाडारि मडेल फोनांजाबनानै फिन फोजौखांनाय स्टेसनफोरा रांखान्थि-समाजयारि
बिथिङाव ओन्सोलनि मिरु थावनि जागोन

आरो

आसामाव मोन 6 लामा अभार ब्रीज/आन्डारपास लुनाय जागोन

- रेल आरो लामाजौ आन्थोर जयै थांलाय-फैलाय खालामनो हागोन
- रेल लामा सार्जौ जायगानि थागिरि सुबुंफोरा गिनाड जासे बारलांनो हागोन
- लामायाव होंगो-दोंगोनिफ्राय रैखा मोनगोन, दावबायनाय समा गुसुं जागोन

नरेन्द्र मदि

गाहाइ मन्थि

अक्ट: 26 फेब्रुवारी | 2024 सम: 11:00 रिगा

(भिडिय कन्फारेन्सिनि गेजेरजौं)

बाहागो लागोन

अश्विनी बैष्णव

मन्थि, रेलवे फोनांजाब राहा आरो इलेक्ट्रिक्स आरो
फोरमार्थि बिरेंदामिन

रावसाहेब पाटिल डानभे

राइज्यो मन्थि रेलवे, खैला आरो माइन्स

दर्शनज जर्दश

राइज्यो मन्थि रेलवे आरो टेक्सटाइल

Watch live broadcast on



सानसेयारि

बड'सा

जौगाखांनायनि थाखाय मोनसे हाबाफारिजो नगावआव गिबि मन्थि ड० हिमन्त बिश्व शर्माआ दावबायफैदो आसामनि लाइमोन जोलैनि मिजिंथिनाय-हास्थायनायखौ सुफुंन्यायनि थाखाय राइज्यो सरकारआ नाजादो: गिबि मन्थि

दिसपुर, 25 फेब्रुवारी: नगाव जिल्लानि जौगाखांनायनि गोखेंथिखौ जोबोद गोखेंथि खालामनायनि थांखिजो 'जौगाखांनायनि थाखाय सानसे हाबाफारि' नि सिखव आसामनि गिबि मन्थि ड० हिमन्त बिश्व शर्माआ दिने जिल्लायीव दावबायफैनाइ गुदि-बिथा, गेलेमु, फालांगि, रंगोथि बायदिफोरजो लोगोसे गुबुन गुबुन बिथिखव जौगाखांनायाव हेफाजब गोनां जानाय बायदिये माखासे बिथांखिखौ बेखेवनायजो लोगोसे माखासेखौ अन्थाइ खाम्फा गायसन्दो। गिबि मन्थिआ दिने गिबियावो नगाव बिधान सभा बियाबआव फेनानै नगाव सांकिट हाउसनि साखाथियाव गावसुंथा आफादिनि



गेवलां भावथिनासालि जौगाखां बिथांखिखौ बेखेवना होयो। गासै 2.24 कौटि रं बाहायनानै राइज्योयारि जियसालि आरो गावसुंथा आफादिनि सोद्रोमाफोरनि रंखाथियारि स्वच्छलता मिरु महरें बे बिथांखिखौ लुनाय जायो। जिल्लानि जाखांफु नाय गेलेगिरिफोरो नांगोबादि गेलेमु गुदि-बिथा होना नै सिगांलाहोने राइज्यो सरकारआ

नुरुल आमिन स्टेडियामनि इन्डर स्टेडियामखौ फिन लुफामफिन्न्यायनि थांखि लादोमोन। गिबि मन्थिआ दिने 2020-21 माइथायनि नोगोरारि गुदि-बिथा जौगाखां पुन्जिजो 4.09 कौटि रं बाहायनायजो लुनाय बे बिथांखिखौ बेखेवना होयो। गुबुन फारसे नगाव आइन फरायसालिमानि साखाथिनि दालांनफ्राय आरके बि

दालांसिम नगावनि कलं दैसा बरानानै जौगाखांरि समाइना सोर्जिन्यायनि थांखिनि सायाव 2020-21 बोसोरनि नोगोरारि गुदि बिथा जौगाखां पुन्जिजो 24.92 कौटि रं बाहायनायजो मोनसे बिथांखिखौ मावफुंबाय थानाय जादो। बेनिनो नेहरुबालि सोरगिदि लामा आरो भारतखौ दिने गिबि मन्थिआ नगावनि थांगिरिफोरनि सिबिथायाव बाउयो। पाइपनि

गेजेरजो गासै 900 नख 'रिनिसिमि दै जगायथायनि रं 30 बिथांखिखौ गिबि मन्थि ड० शर्माआ बेखेवना होयो। 4.83 कौटि रं बाहायनानै कचुरिगिरि, बगरीगुरि (दलघाट) आरो बहुवा चकयाव बे बिथांखिनि गंधामखौ मावफुंनाय जादो। गुबुन फारसे गिबि मन्थिआ 12.49 कौटि रं बाहायनायजो नगाव फरायसालिमा पुलिस पइन्टनिफ्राय डिमो बाइपास दालाइसिम लामा जौगाखां होनाय बिथांखि, 25.73 कौटि रं बाहायनायजो गोदान सांकिट हाउस लुनाय आरो गौरब लामा हरे नगाव सांकिट हाउस सारियालिनफ्राय पानिगाव सारियालिसिम 5.21 कौटि रं बाहायनायजो लामा लुनाय बिथांखिनि अन्थाइ खाम्फाखौ गायसन्दो।

ड० शर्माआ दिने बेनि उनावो बरमपुर बिधान सभा बियाबआव दावबैयो आरो 160.62 कौटि रं बाहायनायजो (□ 5 बिलाइआव)

गुवाहाटीनि लाचित घाटआव प्राज्ञा फाउन्डेसननि बान्ज्यानायाव खुंन्याय 'बीर लाचित' मुनि नाइजाव दिन्थिफुंन्याय हाबाफारियाव आसामनि राइज्यो बेंगिरि गुवाब चान्द कातरियाआ बाहागो लादो।

हिमन्त बिश्व शर्माआ इसारा होब्ला गासैबो कंग्रेसनि एमएलएफोरा बिजेपिआव हाबफैगोन: रन्जित कुमार दास

भबानिपुर, 25 फेब्रुवारी: 'कंग्रेसनि एमएलए सानै-साथामखौ गारनानै गासैबो एमएलएफोरा बिजेपिआव हाबफैगोन। सानै-साथामखौ गारनानै गासैबो हिमन्त बिश्व शर्मानि मानसि। बिथांमोना कंग्रेसनि मानसि नख, गासैबो हिमन्त बिश्व शर्मानि मानसिजोब। हिमन्त बिश्व शर्माआ जुदि दिनेनो इसारा होयो अब्ला सानै-साथामखौ गारनानै कंग्रेस दोलोनि गासैबो एमएलएफोरा बिजेपिआव हाबफैगोन। नाथाय बिसेरनी जायगा होनांगोन। बिजेपिआव दासांदि जायगा गैया।' बे बाथाखौ बुडे आसाम सरकारनि केबिनेट मन्थि रन्जित कुमार दासआ। दिने भबानिपुर बिधान सभा बियाबनि सरुपेटाआव हानि पाट्टा रन्याय हाबाफारियाव गाहाइ आलासि महरें बहागो लानानै खौरं बिजांनि सिगाडव बे बाथाखौ बिथाड बुडे। मख'नो गोनांदि, सरुपेटानि मिलन मन्दिर्नि लालांगोनायाव बजालि जिल्ला खुंथायनि बान्ज्यानायाव खुंन्याय हानि पाट्टा रन्याय हाबाफारियाव मिसन बसुन्धर 2.0 बिथांखिनि



गेजेरजो सरुपेटा खाजोना बेंखनि सिखव थानाय सा 2,334 सुबुंफोरनी हानि पाट्टा राना होयो मन्थि रन्जित कुमार दास आरो भबानिपुर बिधान सभा बियाबनि एमएलए फनिधर तालुकदारआ। मेलाव गाहाइ आलासि महरें बाहागो लानानै मन्थि रन्जित कुमार दासआ बुडोदि, 'बिजेपि दैदेनाय सरकारा राइजो-राजाखौ उदाडें आरो गोलेयै हानि पाट्टा होनाया हादरनि जाति-माति-भेतिखौ रैखाथि होनायनि मोनसे जर'खा

हाबाफारि। बेयो राइजो-राजाफोरनि थाखाय सरकारआ होनाय सिबिथाय। बिजेपिआ गोहोनि थाखाय खुंथायाव फेयाखें। राइजो-राजानो सिबिथाय होनायनि थाखायसो खुंथाय गोहोयाव फेदो।' जर'खा आलासि महरें बिबुंधि होना नै एमएलए फनिधर तालुकदारआ बुडोदि, 'बिजेपिआ हानि पाट्टा रानानै होनायनि गेजेरजो सरासनस्त्रा राइजो-राजाफोरनि हानि मोन्थायखौ रोखा खालामदो। बे बायदिनो आसामाव गिबि

मन्थि हिमन्त बिश्व शर्मा दैदेनायाव राइजो-राजाफोरनि फारफोमबो दिगनि मोन्नांगो मोन्थायखौ रोखा खालामदो।' मेलाव बजालि जिल्लानि जिल्ला बेंगिरि मुदुल कुमार दास, बारग' एमएलए ड० मनरन्जन दास, हारि पाट्टा मोनगिरि मृगेन दास, सनमनि दासआबो बिबुंधि होयो। तुतुल मानबआ दैदेनाय मेलनि गिबियाव बराय बिबुंधि होयो सरुपेटा खाजोना बेंखन बिबानगिरि सन्धर कु मार नाथआ।□

चिरानि रनसाइधाम घरामारा गामियाव लामा लुनायनि अन्थाइ खाम्फा बेखेवदो एम एल ए जयन्त बसुमतारिआ



काजलगव, 25 फेब्रुवारी: चिरां जिल्लानि सिखव थानाय रनसाइधाम घरामारा गामिनि राइजो-राजाफोरनि थाखाय गोजेन्थाव खौरं। गोबाव बोसोरनि उनाव हान्था-मेला खाबुनि थाखाय मोन्तो हासिगोन दोसे मोजां लामा। लामा लुनायनि अन्थाइ खाम्फाखौ दिने बेखेवना नै होबाय जायगानि एमएलए जयन्त बसुमतारिआ। चिरां जिल्लानि सिखव थानाय रनसाइधाम घरामारा गामिनि राइजो-राजाफोरनि थांलाय-फेलाय हान्था-मेला खाबुनि थाखाय आसाम सरकारनि

2023-24 रांखाथि बोसोरनि मुख्य मन्थि पकिपथ निर्मान बिथांखिनि गेजेरजो 1700 मिटार लामा लुनानै होनो सिगादो एमएलए जयन्त बसुमतारिआ। गावनि बिधान सभा बियाबनि सिखव गोर्लैनाय रनसाइधाम ओन्सोलनि घरामारा गामिनि लामाखौ लुनो अन्थाइ खाम्फाखौ दिने बेखेवो एमएलए बसुमतारिआ। चिरां जिल्ला इउपिपिलनि लेखइ आफादिगिरि आरो बारग' एमसिएलए लबेन बसुमतारि आरो गामिनि राइजो-

राजाफोरनि नुजांथिनायाव एमएलए बसुमतारिआ अन्थाइ खाम्फा बेखेवनायजो लोगोसेनो गामिनि राइजो-राजाफोरनो हान्था-मेला खाबुनि थाखाय लामा लुफुंनानै होनो मोन्नानै जोबोद गोजेन्थाय फोरमायदो। एमएलए बसुमतारिआ फोरमायदोदि, थानाय बोसोराव सिदलि बियाबआव 50 कि: मि: लामा मोनो हादोमोन आरो बे बोसोराव 30-35 कि: मि: लामाजो लोगोसे काजलगव, बासुगाव नोगोरार ड्रेन लुफुंन्यायजो लोगोसे मन्थि, सजिद, गीजा, मडेल

अंगनवादिफोर लुफुंन्यायनि खामानिआ बे बोसोराव लुफुंन्यायनो होनानै फोरमायो। बेरफासै गामिनि राइजो-राजाफोरा

गोबाव बोसोरनि उनाव हान्था-मेला खाबुनि थाखाय लामा लानायखो गोजेन्थाय फोरमायदो।□

समाज सिबियारि राहुल नार्जरीनि फिन बाख्नायथाव खामानि राइजो-राजाफोरनि देहा सिबिथायनि थाखाय देहा फाहामथाय मावबादा खुंदो राहुल नार्जरीनि दैदेनाय नार्जरी फार्माआ

गसाइगाव, 25 फेब्रुवारी: समाज सिबियारि राहुल नार्जरीनि बाख्नायथाव खामानि। राइजो-राजाफोरनि देहा सिबिथायनि थाखाय देहा फाहामथाय मावबादा खुंदो राहुल नार्जरीनि दैदेनाय नार्जरी फार्माआ। गसाइगाव महकुमनि सिखव थानाय जमदुवार फरायसालिमानि साखाथि सराइबिल जगन्दपुर गुदि फरायसालियाव दिने सानसेनि हाबाफारिजो इडग गुरुकुल आसामनि हेफाजबजो नार्जरी फार्मनि बान्ज्यानायाव गुबुन गुबुन बेरामनि थाखाय बेसेन नाडै आयुर्वेदिकनि गेजेरजो बेरामनि फाहामथाय होनाय



जादो। नार्जरी फार्मनि बिगोमा राहुल नार्जरीआ फोरमायनाय बायदिब्ला, दिनेनि बे देहा बादायाव व्लाड प्रेसार, सुगार आरो थैनि

गुपफोरखौ नायनानै बेसेन नाडै फाहामथाय होनायजो लोगोसे बेसेन नाडै मुलिबो रानानै होनाय जादो। दिनेनि बे हाबाफारियाव गं बाजि

बिसिना थानाय माजुलि देहा फाहामसालिनि सेनियर अफिसार डा: हिमां सु बुजर बरुवा, डा: जयन्त बर्मन आरो सान्तानु भतचार्य, जयन्त नाथ

मोनहा बाहागो लानानै बेरामिफोरनो बेसेन नाडै फाहामथाय होयो। मख'नो गोनांदि, नार्जरी फार्मनि बिगोमा राहुल नार्जरीनि बेबायदि राइजो-राजाफोरनो बेसेन नाडै बेराम नायजानायनि सुबिदाखौ खालामनानै होनाया जोबोद बाख्नायथाव जादो होनानै फोरमायो राइजो-राजाफोरा। गुबुन फारसेथि दिनेनि बे बेसेन नाडै बेराम फाहामथाय होनाय हाबाफारियाव सराइबिल ओन्सोलनि गोबां राइजो-राजाफोरखौ हांगो-दोंगो बेराम नायजानो फेनायखौ नुनो मोन्नाय जायो।□

